

古支巧慶書卷五



The Book of the Dead

古丈坪廳志卷十三人物上目錄

沐德薰仁鬱爲時棟節鉞師干俊造庭貢耆哲壹儀鄉閭以風樹
茲表坊後人折衷志

人物第六

序表傳

總序表傳一

人物表

人物之一

序表

總序表一

綸音恭紀

誥勅之命

恭紀一

贈任世泰振威將軍彭氏一品夫人命一

又贈任大貴楊氏命二

又封任光珍彭氏命三

贈蕭維德武義都尉向氏淑人命四

又贈蕭大喜唐氏命五

又授澧州營參將蕭長茂張氏命六

贈向萬金武德騎尉彭氏宜人命七

又贈向朝富張氏命八

又封向大洪楊氏命九

又贈楊昌仁劉氏命十

又封姚榮璋劉氏命十一

又授姚發國張氏命十二

謹按謹按一

詔諭之命恭紀二

賞楊占鰲勇號諭一

又賞給封典二

又免驗騎射三

又軍機處存記四 前後凡四條

又署甘州提督總統西路各軍五

又賞穿黃馬褂六

謹按謹按二

錫賞表序表序一

錫賞表表一

賜予表序表序二

賜予表 表二

凡三

仕進表序 表序二

仕進表 表二

凡文一 武二

選舉表序 表序四

選舉表 表四

封贈表序 表序五

封贈表 表五

命婦封贈表 表六

職銜表序 表序六

職銜表 表七

例貢監序 表序七

例貢監表 表八

以上凡爲表八爲表序七而以

綸音恭紀二冠表之首總序表一是爲古丈坪廳志第十三卷

古丈坪廳志卷十三

人物第六

知撫民事直隸開州董鴻勳撰

序表傳

總序表傳一

古今人物表以一代之史上下數千萬年之帝王卿相師儒凡有名蹟者差爲九等其所表列容有未滿人意而班氏之胸襟等百王而尙古人具有吞雲夢於八九列星宿之廿四氣象今距班氏之世數千年矣猶若揖讓上下於其庭者眞今人懷慕不置然以一代之史而紀歷代之人論者或疑其界限太寬下而至於州郡之史其宜局於界限又不能不別以時代其爲人物也名都大邑修志最早續修者至於再三不已則可表者必多古丈坪開始有志其人物之見於寰中者蓋亦屈指可數表其可表耳列傳之體

古文真寶前集卷之四
見於史公以人特立以事特立如蕭何曹參循良貨殖龜策之例
蓋棺論定生者不傳所以遠嫌州郡之志非

國史可比其例原可稍寬今古丈坪之民列於人物表祇有此數
亦少赫赫之功名雖然人才蘊久而必發世運之轉移視乎人材
人材之成立亦因乎時運賢而有志者亦自奮焉耳光緒丁未孟
夏十有二日董鴻勳自叙表傳

人物表

人物之一

序表

總序一

朝廷登進俊良列於有位以爲民紀其尤者錫之封賞以延於世
河山帶礪閭閻門楣有與

國家共休戚者故以

綸音恭紀於首以錫賞表繼之所以尊王言重世澤獎忠義也仕
進表以表其行義顯著爲

國用者選舉表士之始遶身異齊民者

封贈表以紀

覃恩之推及者職銜例貢監皆以類及者凡此非其學術行義有
可稱者卽其先世之餘蔭實有以垂裕開先以爲之啟者不至

此自古君子之仕以爲大倫不可廢君臣之義乃生人必不可缺
之事故草莽市井皆爲臣道五家之比長二十五家之間長已入
仕途列於士大夫之班五十服官政七十而懸車退而明農以爲
其鄉之父師少師月吉讀法朝服而朝未敢有忘仕之事自少至
老自比閭之長以至公卿之位無時非從政明矣故父子君臣兄
弟夫婦朋友五倫人道之不容一日廢者後世不察乃以仕者利
祿之途於是倫之本性之眞皆所不識以不仕高尚之致於是朝
隱充隱市隱之名紛然以眞隱爲尙奔走於不求聞達者見譏而
不知其皆非也吾學將以致人於生養立達之域人不之及此無
柰何也山深林密自安其隱居求志之常隨其舞雩春風之樂時
至而應時未至無悶如是焉耳若以爲此吾之高尚其志不事王

侯則已背於君子仕以行義之道況以此爲終南捷境境逾冷而
心愈熱乎其餘

國恩家慶宗族交遊以爲光寵人生此世名譽乃極尊榮之事若
無名譽則眞草木同腐矣凡表之所列皆

朝廷之所尊顯之以異乎常人者閨閭

誥勅以獎母儀婦德式起斯人之敬禮者由斯以進人物之表表
可見者日有其人則斯廳其足爲天下重也當不止如今日所表
固表之者之至幸也夫孟夏望日鴻勳序

綸音恭紀

誥勅之命

恭紀一

贈任世泰暨妻彭氏

制曰宣揚國威統三軍而奏績采甄世德溯四世以推恩積慶有源
流光白遠爾任世泰迺壽州鎮任祖文之曾祖父純心抱質善氣
儲祥丕建乃家允兆弓裘於弈葉克昌厥後誕膺節鉞於高門爰
賁徽章俾揚令聞茲以覃恩貤贈爾爲振威將軍錫之誥命於戲
簪纓赫弈式隆一品之殊榮綸誥輝煌用慰九原之夙志祇承寵
命長播休聲

制曰德門積善衍餘慶於後人幕府策勛錫殊榮於先世家聲克大
闡範攸彰爾彭氏迺壽州鎮任祖文之曾祖母佩服女箴嫺明母

道惠風肆好留懿訓於閨中令緒三傳競奇才於閩外爰頒茂典
俾闡徽音茲以覃恩貤贈爾爲一品夫人於戲渙汗誕敷用播聲
遐之澤湛恩徧灑並揚賢淑之名顯命上承幽光允賁

贈任大貴暨妻楊氏

制曰策勛疆圉昭大父之恩勤錫賚絲綸表王朝之常澤爾任大貴
乃壽州鎮任祖文之祖父敬以持躬忠能啟後威宣閩外家傳韜
畧之書澤沛天邊國有旂常之典茲以覃恩贈爾爲振威將軍錫
之誥命於戲我武維揚特起孫枝之秀賞延於世益徵遺緒之常
制曰樹豐功於行陣業著聞孫錫介福於庭蘭恩推大母爾楊氏迺
壽州鎮任祖文之祖母壹儀足式令聞攸昭表劍佩之家聲輝流
弈世播絲綸之國典慶衍載傳茲以覃恩贈爾爲一品夫人於戲

翟莚用光膺宏休於天闔龍章再煥被大惠於重泉

封任光珍妻彭氏

制曰寵綏國爵式嘉閭閻之勞蔚起門庭用表庭幃之訓爾任光珍
迺壽州鎮任祖文之父義方啟後穀似光前積善在躬樹良型於
弓冶克家有子拓令緒於韜鈴茲以覃恩封爾爲振威將軍錫之
誥命於戲錫策府之徽章淳承恩澤荷天家之休命增耀門閭
制曰怙恃同恩人子勤恩於將母起桓著績王朝錫類以榮親爾彭
氏迺壽州鎮任祖文之母七誠精明三遷勤篤令儀不忒早流璫
璫之聲慈教有成果見干城之器茲以覃恩封爾爲一品夫人於
戲錫龍綸而煥采用答劬勞被家服以承休允膺光寵

贈蕭維德向氏